



Termometroek uda iragarri dute

Kaleak hustu eta hondartzak bete zituen atzoko eguraldiak. Gaur ere tenperatura beroak izango ditugu. Udako lehen eguna, sasoiko tenperaturekin estreinatu da, beraz. Atzo Euskal Herriko leku gehientsuenetan 35 gradura iritsi ziren. Argazkian, Donostiako kalean agertzen den termometroak 42 gradu ematen ditu. Hala ere, ez da gehiegi fidatu behar termometro horiekin, berotu eta gradu batzuk gehiago markatzen baitituzte. Hala ere, uda iritsi dela ez dago dudarik.

Unibertsitate Erreformen adostu dira EAJ, EA, PSE-EE eta IU

Datorren astean bozkatuko dute legea alderdiek Parlamentuan


Unibertsitatea Antolatzeke Legearen gaineko akordio partziala lortu dute hirukoak eta IU alderdiak. Akordioaren truke hainbat aldaketa onartu ditu hirukoak. IUk, berriz, atzera bota du Legeari osoko zuzenketa aurkezteko erabakia. UA eta PP alderdiek proposamena aztertuko dutela esan dute.

Vasco Press / Bilbo

UNIBERTSITATEA Antolatzeke Legearen gaineko akordio partziala lortu dute hirukoak eta IU alderdiak. Ondorioz, IUk Legeari osoko zuzenketa aurkezteko erabakia atzera bota du. Era berean, hirukoak IUk aurkezturiko hainbat proposamen onartu ditu. IU alderdiko parlamentari Katy Gutierrezek Vasco Press agentziari atzo adierazitakoaren arabera, «zuzenketa partzial batzuk mantenduko ditugu eduki batzuk hobe daitezen».

Aldaketek eragiten diete Unibertsitate Plana arautzen duten gaiei, Unibertsitateetako EAEko kontseiluari, Unibertsitateko Irakaskuntza publikoari eta programa-kontratuei. Gutierrezek adierazi zuenez, «proposamenen helburua da, alde batetik unibertsitatearen autonomia indartzea, eta bestetik, unibertsitate publikoaren papera defenditzea».

Aldaketa nagusietakoa Unibertsitate Planaren eraketari dagokiona da. Euskal Herriko Unibertsitateko lau urteko helburuak eta eginbeharrak agertzen diren testua da Plan hori, eta aldaketak proposatu aurretik, hezkuntza departamentuak zuzentzen zituen bi ardatz horiek. Aldaketak ostean, Hezkuntza departamentuak ezarritako hainbat eginbehar jadanik ez dira gordetzen.



EHUko Leioako campusa.

ARTXIBOKOA

Beste berrikuntzetako bat, EHUko programa-kontratuen finantzaketaren ingurukoa da. Hau da, ezhoiko ekitaldiak kanpotik finantzatzeko direla dio testuak. IUk proposatu du sistema horrek ez duela unibertsitatearen autonomiaren aurka egingo.

Akordioak bertan behera utzi ditu, halaber, EAEko Unibertsitatearen kontseiluari dagozkion hainbat funtzio. Kontseilu horretan Jaurlaritza, EHU eta unibertsitate pribatuak biltzen dira. Kontseilu horrek hainbat funtzio galduko ditu, eta EHUko koordinazio kontseiluak hartuko ditu.

Jaurlaritzako alderdiek eta IUk akordioa lortu dute hainbat

eztabaida izan eta gero, Hezkuntza Batzordeak egindako txostenak hainbat gorabehera sortu baititu Unibertsitatearen autonomia dela eta.

Datorren astelehenean lege proiektua Batzordean bozkatuko da, eta, aurreikuspenak betetzen badira, datorren ostiralean bozkatu eta onartuko dute Unibertsitatea Antolatzeke Legea EAEko Parlamentuan.

Bien bitartean, lortutako akordioa aztertuko dutela adierazi dute UA eta PP alderdiek. Osoko zuzenketak egitea erabaki zuten, eta orain akordiora biltzeko proposamena aztertuko dute erabakirik hartu baino lehen. X

laburrean

■ BBV bere lkerketen Zerbitzuko Liburutegia utzi dio Deustuko Unibertsitateari

BBV bere lkerketen Zerbitzuko liburutegia Deustuko Unibertsitatearen esku utzi zuen atzo. Liburutegi horrek, 4.000 aleko fondoa darama. Fondo horretan, liburuak, aldizkariak eta historia eta ekonomia buruzko liburuak daude. Jose Ramon Reyk, BBVko ordezkariak, uzte hori banketxeak Deustuko Unibertsitatearekin duen harremanen ildoari jarraituz egin dutela adierazi zuen. BBVtik eraginkortasuna bilatu nahi izan dutela azpimarratu zuten, «fondo horren erabilerarik onena ikasleek egingo dute eta». Jose Mari Abregok, Deustuko Unibertsitateko Errektoreak, fondoa euren esku uztea eskertu zien BBVko ordezkariari. X

■ Lizartzako Santa Katalina eliza berritzeko laguntza emango du Diputazioak

LIZARTZAKO elizatik jakinarazi dutenez, Gipuzkoako Foru Aldundiak 47 milioi pezeta baino gehiago emago ditu Lizartzako eliza berritzeko. Eliza horretako kideak duela zazpi urte hasi ziren laguntza eskatzen eliza konpontzeko, eta orain Diputazioak laguntza emateko konpromezua hartu duela dirudi. Hala ere, Parrokiako Obretarako Batzordeak herritar guztiei galdetu die ea hurrengo bost urteotan laguntza emateko prest egongo diren edo ez. Ondoren, herritarrak bizi direnei ere eskatuko diete laguntza, «gure arbasoek utzitako ondare kultural ederrari» eusteko. X

■ Hiru pertsona zaurituta geratu ziren atzo Araban izandako istripuan

HIRU PERTSONA zaurituta geratu ziren atzo Langraiz eta Gasteiz bitartean, N-1 errepidean, izan zen errepidean, Ertzaintzak emandako informazioaren arabera. Istripua goizeko 08:15ak aldera gertatu zen: kamioi batek eta auto batek aurrez aurre jo zuten elkar. Istripuan hiru lagun zaurituta geratu ziren eta Gasteizko Santiago Ospitalera eraman behar izan zituzten, zituzten zauriak sendatzeko. Ezbeharraren ondorioz, errepidea moztuta izan zen goizeko 09:00ak arte. Bestalde, Zurbaiton pertsona bat zaurituta geratu zen furgone-tarekin izan zuen istripuan. Gizonezkoa harrapatutik geratu zen, eta Ertzaintzak askatu behar izan zuen. X

■ Mutrikuko kai berritua inauguratu du Maturanak

JOSE ANTONIO MATURANA EAEko Obra Publikoetarako eta Herri-lan sailburuak Mutrikuko kai berritua inauguratu zuen atzo. Obra horretan 600 milioi pezeta inbertitu dituzte. Maturanarekin batera Kepa Astigarraga herriko alkatea izan zen, eta hark azaldu zuen obrak «aldaketa handia» ekarriko diola herriari, eta «beharrezko eta urgentziakotzat» jo zuen egindakoa. Obrak egiteko urtebete pasa dute, eta 121 metroko horma birrindu eta haren ordezkari jarri dute. Bi metroko espaloia eta aparkaleku berriak ere egin dira. X

■ Alarde tradizionalaren aldeko manifestazioa egingo dute gaur Irunen

IRUNGO Alarde tradizionalaren bultzatzaileek manifestazioa egingo dute gaur arratsaldean, 19:30etan, Urdanibia plazatik. Antolatzaileek «Irungo herriaren benetako nahia» zein den azaldu nahi diete instituzioei, azken egunetan egindako bilkuretan ez baitute akordioirik lortu bi alardeetako ordua eta ibilbidea zehazteko. Jakina denez, alarde ofizial eta alternatiboko ordezkariak bilera egin zuten Alberto Buen herriko alkatearekin ordutegia eta ibilbidea zehazteko. Alarde alternatiboaren babesleek diotenez, alkateak egin zuten proposamena haien alardea goizeko 07:30etan ateratzeko Urdanibia plazatik, eta betiko ibilbidearekin. Alarde Ofizialaren Batzordeak ez zuen onartu, haien ustez ez baitu bermatzen bakea eta segurtasuna. X

■ Beroak matxurak eragin ditu metroan

Bilbon atzo egin zuen beroak zenbait matxura eragin zituen metroan, eta ondorioz, atzerapen nabarmenak izan ziren linea osoan zehar. Arratsaldako ordu bietan 42 gradura iritsi ziren termometroak eta horrek 60 gradura arteko beroa bildu zuen metroko seinaleztapen sistemetan. Horren eruz sistemak datu okerrak transmititzen hasi ziren. Matxura horiek konpondu bitartean metroaren sistemak eskuz erabili behar izan zituzten eta zerbitzuak atzerapen handia izan zuen. Astrabuduako geltokian ere beroaren eruz trenen energia bidaltzen dien sistema hondatu zen. Arratsaldeko 18:30etatik aurrera, zerbitzua bere onera itzuli zen. X

■ Eibar-Gasteiz autobidearen aurkako jarrera berretsi du HBk

HB-K Eibar-Gasteiz autobidearen aurkako jarrera berretsi zuen atzo komunikabidetara bidalitako prentsa oharrean. HBren ustez, autobidea Deba bailarako herritarren beharra eta nahia kontuan izan gabe egin nahi dute: «Herritarrek ezer argi esan badute da autobide eta bidesaririk ez dutela nahi. Beraz, orain beren iritzia erabakia bidesaria duen autobide bat egitea inposaketa argi eta garbia da». Hori dela eta, HBk esan du Eguzkik, EHNEk, Gatzaga Landak eta hainbat sektorek egingo duten bilerara joango direla besteekin batera aurrerantzean eman beharreko pausoak zehazteko. X